

There are no translations available.

Të organizojë e drejtojë veprimtarinë sindikale të BSPSH për zbatimin e detyrave, orientimeve të Kongresit e të Asamblesë Kombëtare të BSPSH nën drejtimin e Presidentit të BSPSH.

Të përfaqësojë BSPSH-në përballë organeve shtetërore, të qeverisë, dikastereve, si dhe në marrëdhëniet me organizatat e ndryshme politiko – shoqërore të vendit.

Merr vendime për marrëveshje dhe paktet e mirëkuptimit social, të cilat miratohen dhe firmosen nga Presidenti si përfaqësues Institucinal i BSPSH.

Përfaqëson BSPSH-në në marrëdhëniet me organizatat sindikale brenda dhe jasht vendit.

Vendos për aderimin në BSPSH të sindikatave të reja me të drejtën e anëtarit të Këshillit Kombëtar pa të drejtë vote dhe i propozon Asamblesë Kombëtare aderimin e plotë të saj.

Ka të drejtë të japë miratimin për ndryshimet e nevojshme të skemës organizative duke i përshtatur ato me zhvillimin e përgjithshëm të situatës social – ekonomike të vendit.

Të harmonizojë, nëpërmjet varianteve reale, bashkëpunimin midis strukturave territoriale dhe federatave, të mbështesë institucionalisht veprimtaritë e aksionet sindikale të federatave, si dhe të punojë për sigurimin e solidaritetit sindikal si bazë e unitetit të BSPSH-së.

Të kontrollojë zbatimin e vendimeve kongresuale, të Asamblesë Kombëtare, si dhe të vetë Këshillit Kombëtar në të gjitha nivelet e strukturave sindikale të BSPSH-së.

Informohet mbi aktivitetin ekonomik – financiar të BSPSH-së e mbi këtë bazë i delegon Kryesisë së Këshillit Kombëtar të marrë vendime përkatëse.

Përcakton kriteret kryesore financiare, si dhe miraton rregulloren e administrimit financiar të pasurisë së BSPSH-së. Të informohet çdo gjashtë muaj për realizimin e të ardhurave nga shlyerja e detyrimeve të kontrbutit sindikal.

I raporton Asamblesë Kombëtare mbi analizën vjetore financiare të BSPSH-së dhe i propozon asaj strukturimin e fondit vjetor për federatat e konfederatën.

Përcakton dhe vendos për masa disiplinore ndaj anëtarësisë dhe strukturave sindikale, të cilat shkelin statutin, demokracinë sindikale, sipas dispozitave që përcaktohen në këtë statut.

I propozon Asamblesë thirrjen e Kongresit të radhës sipas normave të përcaktuara në nenin 9 të statutit të BSPSH.

Për problemet e aktivitetit ekonomik-financiar që delegohen nga këshilli Kombëtar dhe për raste të veçanta që diktohen nga situata ekonomike-financiare të cilat gjykohen nga Presidenti i BSPSH-së Këshilli Kombëtar zgjedh një kryesi prej pesë anëtarësh me këtë përbërje:

1. Presidenti;
2. Zv/Presidenti;
3. Një përfaqësues nga federatat më të përfaqësueara;
4. Një përfaqësues nga sindikatat rajonale më të përfaqësuar;
5. Një përfaqësues nga Sekretariati i BSPSH-së.